

Script of Evening Gojri News Bulletin 09 December 2024 at 1700 Hrs

ایوننگ گو جری نیوز بلیٹن مور 09 دسمبر 2024

یوہ آکا شوانی جموں ہے عبدالرحمان شاہین تے ظفر اقبال تیں خبر سُنو۔ پہلاں خاص خاص خبر۔

- *1۔ پارلیمنٹ غا دوہاں ایواناں غی کاروائی بکھ بکھ مسئلاں ور باربار ملتوی ہو تی رہی۔
- *2۔ وزیر اعظم نریندر مو دی نے نوجواناں نانہہ کہیو جے وے مُلک غی ترقی خاطر سیاست مانہہ حصو لیں۔
- *3۔ حفاظتی دستاں نے ضلع ہاریمولہ مانہہ سرینگر ہاریمولہ قومی شاہراہ ور اک دھماکہ خیز مواد دیکھن توں بعد اُس نانہہ تباہ کر دتو ہے۔
- *4۔ پونچھ مانہہ قبضہ لکیر غے نیڑے پولیس نے 5 نشہ تسکراں نانہہ اپنی حراست مانہہ لے لیو ہے۔
- *5۔ تے ہاکی جو نئیر وومین ایشیا کپ جھیڑو جے مسقط اومان مانہہ چل رہیو ہے۔ پول اے میچ مانہہ اج بھارت ملیشیا سنگ کھیڈے گی۔

خبراں غی تفصیل نال پہلاں عبدالرحمان شاہین۔

Parliament Adjournment

اج پارلیمنٹ غا دوہے ایوان بکھ بکھ معاملات پارے ملتوی کیا گیا، معاملات مانہہ اک معروف کارباری گروپ ور رشوت غا الزامات ور اک مشہور امریکہ بنیاد سنگ کا نگریس رہنماواں غا مبینہ تعلقات شامل تھا۔ لوک سبھا مانہہ پہلاں ملتوی ہون تیں بعد ہنگامہ خیز مناظر دیکھیا گیا۔ جد کا نگریس غا ممبران پارلیمنٹ نعرہ لاتاں واں ایوان مانہہ داخل ہوا۔ سپیکر نے احتجاج کرن آلا اراکین نانہہ ایوان غی کاروائی مانہہ تعاون کرن غی اپیل کی۔ اسے طرح غا مناظر راجیہ سبھا مانہہ وی دیکھیا گیا۔ جد ایوان پہلی بار ملتوی ہون تیں بعد دوپہر 12 بجے دوبارہ جمع ہوؤ۔ چیرمین جناب جگدیپ دھنکڑ نے کہیو جے ایوان نانہہ اس حالت مانہہ چلائو ممکن نہیں تے اس نانہہ دوپہر 2 بجے تک ملتوی کر دتو گیو۔ ایوان غا لیڈر جے پی نڈا نے کہیو جے حکومت چاوے کہ ایوان چلے اور زیرو ہاور غے دوران بحث کی جائے۔ اُنہاں نے حزب اختلاف غی جماعتاں ور الزام لایو جے وے اپنی سہولت غے مطابق اپنا موقف مانہہ تبدیلی کر رہی ہیں۔ حزب اختلاف غا لیڈر ملک ارجن کھڑگے نے الزام لایو جے حکومت جانب دار ہے اور جمہوریت واسطے نقصان دہ ہے۔ کیونجے اُنہاں نے ایوان چلن نہ دین غو فیصلو کر لیو ہے۔

PM Ahmedabad

وزیر اعظم نریندر مو دی نے کہیو ہے جے سال 2047 تک ترقی یافتہ بھارت غا ہدف نانہہ حاصل کرن واسطے نوجواناں نانہہ سیاست مانہہ شامل ہونو چاہیے۔ احمد آباد مانہہ رام کرشن مٹھ غی طرفوں منعقدہ پروگرام سنگ ویڈیو کانفرنسنگ غے ذریعے خطاب کرتاں واں وزیر اعظم نے کہیو جے مُلک غا نوجواناں نانہہ معیشت غا ہر شعبہ جس مانہہ سیاست وی شامل ہے، مانہہ قیادت واسطے تیار کرنو چاہیے۔ وزیر اعظم نے

روحانیت تے انسانیت غا بہتر مستقبل واسطے روحانیت تے پائیداری بشکا ر صحیح توازن ور وی زور دتو۔ جناب مو دی نے ملک مانہ سماجی ترقی مانہ صوفی سنتاں غا کردار نانہ یا دکیو۔ انہاں نے بھارت غی ترقی مانہ رام کرشن غا بے مثال تعاون غی تعریف کی۔

IED Detected

حفاظتی دستاں نے اج سویرے شمالی کشمیر غا بارہمولہ ضلع غاپلہالن پٹن علاقہ مانہ سرینگر بارہمولہ قومی شاہراہ غے نیڑے اک دھماکہ خیز مواد نانہ تباہ کر دتو ہے۔ قابل ذکر ہے جے یوہ دھماکہ خیز مواد سرینگر بارہمولہ قومی شاہراہ غا مقام ور پالپورہ پلہالن پٹن علاقہ مانہ رکھیو گیو تھو۔ اس آئی ای ڈی نانہ فوج غی 29 راشٹریہ رائفل نے پٹن پولیس نے دیکھن توں بعد بم نانہ ناکارہ بنان آلا عملہ نانہ موقع ور بلايو، اس معاملہ غا پیش آن توں بعد کچھ دیر واسطے ٹریفک نانہ حفاظتی اقدامات غے پیش نظر روک دتو۔ جس توں بعد آئی ای ڈی نانہ بم نانہ ناکارہ بنان آلی ٹیم نے تباہ کر دتو، تے اُس تیں بعد ٹریفک نانہ دوبارہ توں بحال کر دتو۔ اس سلسلہ مانہ پولیس نے اک معاملو درج کر غے پوچھ گچھ شروع کر دتی ہے۔

Jammu SIH

ٹیکنالوجی بارے بھارتیہ ادارہ آئی آئی جموں غی طرفوں سمارٹ انڈیا ہیکا تھان 2024 سافٹ شمارہ گا فائنل غی میزبانی کرے گی۔ جہیزو 11 دسمبر تیں شروع وے گو۔ آکاشوانی جموں غا نمائندہ نے رپورٹ دتی ہے جے ملک پھرتیں 30 ٹیم قومی اہمیت غا قومی حساس اطلاعاتی ڈھانچائی تحفظاتی مرکز غی طرفوں پیش کیا گیا سائبر سکیورٹی مسائل سنگ نمڑن واسطے مقابلو کرینگی۔ آئی آئی ٹی جموں غی 3 ٹیم اس قومی تقریب مانہ شرکت کریں گی۔ جہیزو آئی آئی ٹی غا نمائنداں غے طور ور کرناٹک، دہلی اور گواہٹی مانہ موجود وینگی۔ وزارت تعلیم غے زیر احتتام اس قومی مہم غا ستواں شمارہ غو مرکزی وزیر تعلیم دھرمیندر پردھان غے ذریعے مجازی طور ور افتتاح کیو جائے گو۔ ملک پھر مانہ 51 نوڈل مرکزاں غے سنگ آئی آئی ٹی جموں غی طرفوں جدت نانہ فروغ دین تے مسئلہ غا حل کرن مانہ اہم رول ادا کیو جا رہیو ہے۔ آئی آئی ٹی جموں مانہ اس سمارٹ انڈیا ہیکا تھان غا فائنل بارے تفصیلات دیتاں واں آئی آئی ٹی جموں غا ڈائریکٹر پروفیسر منوج کمار گور نے اک پریس کانفرنس سنگ خطاب کرتاں واں مزید گچھ اس طرح دسیو۔ بائٹ۔

ACB Udhampur

اج انسداد بد عنوانی غا بین القوامی تہاڑا غا موقعہ ور انسداد بیورو نے اُدھم پور غا لڑکاں غاڈگری کالج مانہ اک پروگرام منعقد کرایو۔ اس پروگرام مانہ انسداد بد عنوانی بیورو اُدھم پور ریاسی رینج غا ایس ایس پی محمد رشید بھٹ مہم خاص غا طور ور شریک ہوا۔ اس پروگرام مانہ کالج غا تقریباً 200 طالب علمان نے حصو لیو، جن مانہ رشوت خودی غے متعلق لیکچراں تے پی پی ٹی غے ذریعے آگاہ کیو۔ تقریب غے دوران ایس ایس اے سی بی محمد رشید بھٹ نے بولتاں واں اس طرح کہیو۔ بائٹ۔

FM NABARD

مرکزی حکومت نے آج کہیو ہے جے نابارڈ قبائلی علاقہ غی ترقی واسطے قبائلی ترقیاتی فنڈ یعنی ٹی ڈی ایف غے تحت مالی معاونت فراہم کر رہی ہے۔ اور پچھلا 18 بہراں مانہ 1 ہزار 29 منصوبہ نانہ منظوری دتی گئی ہے۔ لوک سبھا مانہ اک سوال غا جواب مانہ وزیر خزانہ نرملا سیتھا رمن نے دسیو جے یہ منصوبہ قبائلی خاندان نانہ پائیدار روز گارغا مواقع فراہم کرن واسطے ہیں۔ انہاں نے دسیو کہ ٹی ڈی ایف اسکیم 06/2005 مانہ شروع کی گئی تھی اور تد تیں 6 لکھ 29 ہزار خاندان اس تیں مستفید ہو چکا ہیں۔ وزیر موصوفہ نے کہیو جے اس پروگرام غے تحت ملک پیر مانہ تقریباً 2 کروڑ 90 لکھ بوٹا لایا گیا ہیں۔

یہ خبر تم آکاشوانی جموں تیں سن رہیا ہیں خبراں غا باقی حصہ نال ظفر اقبال۔

Arrest Poonch

جموں کشمیر ضلع پونچھ مانہ قبضہ لکیر غے نیڑے آج پولیس نے تلاشی کا روائی کرن غے دوران اُن 5 افراد نانہ اپنی حراست مانہ لیو ہے، جن ور یوہ الزام ہے جے یہ منشیات غی تسکری کر رہیا ہیں۔ منشیات تسکری کرن آلاں بارے اک پکی سولمن توں بعد پولیس نے اگلا سرحدی علاقہ نانہ اپنا کہیرہ مانہ لے غے تلاشی کا روائی کرتاں واں یاہ کامیابی حاصل کی ہے۔ پولیس اہلکاراں نے کھڑی، اجوٹ، دگوار، پرانی پونچھ تے جرنیلی محلہ نانہ اپنا کہیرہ مانہ لے غے یاہ کا روائی انجام دتی ہے۔ دسیو گیو ہے جے پولیس نے ان 5 افراد نانہ اپنی حراست مانہ لے غے ان کولوں پوچھ تا چھ شروع کر دتی ہے۔

Kathua Protest

ہندو تنظیم نے بنگلہ دیش مانہ اقلیتی طبقہ ہندواں ور ہورہیا ظلم زیا دتیاں غے خلاف اپنی آواز بلند کی۔ ہندو تنظیم جس غی سربراہی سنت سماج جونا آکھاڑہ مہا منتری موہن گیری کر رہیا تھا اُس نانہ سماجی تے سیاسی حمایت وی حاصل ہوئی۔ قابل ذکر ہے جے ہندو تنظیم غی طرفوں بنگلہ دیش غی سرکار غے خلاف تے اقوام متحدہ غے خلاف سخت احتجاج کیو گیو جے وے اقلیتی طبقہ ور ہورہیا ستم نانہ بند کریں۔ یوہ احتجاج مکہرجی چوک کٹھوعہ توں شروع ہو غے شہید چوک توڑی چلیو۔ اس سلسلہ مانہ آکاشوانی سنگ گل کرتاں واں آر ایس ایس کا رکن دیواکر شرما نے اس طرح کہیو۔۔۔ بانٹ۔۔

LS Agri Loan

مرکزی سرکار نے آج کہیو ہے جے چھوٹا تے حاشیہ ور موجود کساناں واسطے ملک مانہ ذریعہ قرضہ مستقل طور ور بدھ رہیا ہیں۔ لوک سبھا مانہ اک سوال غا جواب مانہ وزیر خزانہ محترمہ نرملا سیتھا رمن نے کہیو جے پچھلا 3 بہراں غے دوران چھوٹا تے حاشیہ ور موجود کساناں غی ذریعہ قرض کھاتاں غی تعداد 24/2023 مانہ 13 کروڑ 6 لکھ تیں بدھ گئی ہے۔ وزیر موصوفہ نے کہیو جے سال 22/2021 مانہ یاہ تعداد 11 کروڑ 67 لکھ تھی۔ اور سال 23/2022 مانہ 12 کروڑ 38 لکھ۔

Rajnath Tushil

وزیر دفاع راجناتھ سنگھ آج روس غا کالینین گراڈ مانہ یا نترہ شپ یا رڈ ور بھارتی بحریہ غا جدید ترین سٹیلٹھ گا نیڈڈ میزائل فریگیٹ آئی ایس ٹشیل نانہ کمیشن کرینگا۔ اس موقع ور

بحریہ غا چیف آف نیول سٹاف ایڈمائرل دنیس کے تریاٹھی وی موجود وینگا۔ وزیر دفاع کل رات روس غا 3 روزہ دورہ ور ماسکو پُچیا۔ جت وے اپنا روسی ہم منصب اینڈرے بیلو سوو سنگ بھارت روس بین الحکومتی کمیشن برائے فوجی و فوجی تکنیکی تعاون غا 21 واں اجلاس غی مشترکہ صدارت کرینگا۔

Women Hockey Cup

ہاکی وومین جو نئیر ایشیا کپ جہیزو جے مسقط اومان مانہ چل رہیو ہے، پول اے میچ مانہ اج بھارت ملیشیا سنگ کھیڈے گو۔ یوہ میچ بھارتی وقت غے مطابق رات 8 بج غے 30 منٹ ور شروع وے گو۔ اسے طرح پولی بی میچ مانہ چینی تائپے، جنوبی کو ریا سنگ سنگ 6 بج غے 15 منٹ ور کھیڈے گی۔ گذشتہ کل بھارت نے بنگلہ دیش نانہ بُری طرح شکست دیتاں واں 1-13 توں اپنی جیت درج کرائی ہے۔

اس غے نال ہی خبراں غو یوہ بلیٹن ختم ہوؤ۔